



Fandyi Sanizan dengan piala Johan Pidato Belia.

Fandyi Sanizan Juara Pidato Belia

oleh: Anita binti Pedro

RABU, 30 APRIL – Pertandingan Pidato anjuran Kementerian Belia dan Sukan baru-baru ini telah dimenangi oleh Fandyi Sanizan Jurup selaku Presiden Majlis Perwakilan Pelajar (MPP) di Universiti Malaysia Sabah (UMS).

Pertandingan ini diadakan bersempena dengan Festival

Belia di Wilayah Persekutuan Putrajaya bermula pada 24 hingga 27 Mei 2014 yang lalu. Tajuk yang beliau pertandingkan adalah "1 Malaysia Asas Pembentukan Bangsa".

Hasil daripada kemenangan tersebut beliau menerima hadiah berupa wang sebanyak RM500, piala dan sijil penghargaan. Beliau

turut melahirkan rasa bangga terhadap UMS kerana memberi peluang untuk menyertai pertandingan ini sekaligus merangkul kejuaraan.

"Kejayaan ini tidak mampu dicapai tanpa sokongan pihak universiti khususnya daripada Jabatan Hal Ehwal Pelajar dan Alumni (UMS)". Katanya ketika mengulas lanjut tentang kejayaan yang dimenanginya.

Pemenang tempat kedua dan ketiga dalam pertandingan tersebut masing-masing menerima wang sebanyak RM300 dan RM200 setiap seorang beserta piala dan juga sijil. Kedua-duanya adalah peserta daripada Badan Bukan Kerajaan (NGO).

Menerusi kemenangan ini beliau bertekad untuk mengharumkan lagi nama UMS dalam pertandingan peringkat kebangsaan pada masa yang akan datang. Kesungguhannya menampakkan kredibiliti beliau sebagai seorang pemimpin pelajar yang unggul dan patut di contohi oleh semua pelajar.